

“Yes da kimoete eoŋ, kianyunete; arai kito kiimoata kikusitaun kere.”

EPONE LOJENUNET EDEKE

EPONE LOJENUNET EDEKE

Kwape araar Aburam “eparero loka Edeke” kotoma anonokite kede arimariteke ipedori ijo da ajenun Edeke ka amisii-kin aitimike, ainapakin karereng Ajenun Edeke kotoma arimarit cut kotoma amun Ɗes erai ibore yen epolo ajenun kotoma aijar. Erai naka aumokin ebe itoodikini Edeke kere lue- moete Ɗes ka ikecetawon kere.

Arai ibelokin jo, kinye atupit ekoniroŋ bon korima cut Ede- ke ebuni Emoyoke aiboi kotomakon. Mam ibore epedori atia- kar ijo kotoma aminake naimunor ijo akeisumuneta, kosodi atupit Ɗes kotoma arimarit eraun Ɗes Ekonideke ibuni jo araun Akekirumet naketiai. Ibuni angicun ebe kigwelit Ɗes ijo ketiai loepol, kosodi ekoto eidic kajo-kwann ido ikaru kere.

Kingit Edeke koinak ijo aijen kwape isisia ijo apapulai nu- elimoritai kotoma akirot naka Edeke. Edeke apukokin itunga lualaunaka aiwadika akiro nu kosodi aidar koipone kaloau- mokin adaun aturio karaida ketamit Satana aiputar cut.

Nukiwadikaere nuelimoritai koitabo kayen elemunitai kobaibuli: Iksil (Torah), Isabulin (Zabur), aiwadikaeta nuka inabin ka Ejir (Injil).

EJAI EDEKE EDIOPET BON LOKABEIT

1

Ikisila 6:4ii, 5

EJAKAIT Ewokodeke erai EJAKAIT edjopet: Kominenena EJAKAIT Ekonideke kekonitau kere, ka akoniijar kere, ka akoni- gogoŋ kere.

Isaia 45:18

Naarai ebala kwanata EJAKAIT laosubuni akuj; ŋes Edeke; lokilu- ŋuluŋi akwap, kosub: kiticat, mam asubuni atai, kiluŋuluŋi te- tere iboikinoi kotoma, ebe: Arai eoŋ EJAKAIT; emamei ece.

1 Ikabakan 8:60

Tetere ejenunete atekerin kere nuka akwap ebe EJAKAIT, ŋes Edeke; emamei ece kere.

Isaia 42:8

Arai eoŋ EJAKAIT: ŋopeŋol ekakiror; mam ainakini ice akai- buses, karaida akaiturio mama ejaas aputosia nuegerer.

Isaia 43:10, 11

Ebala EJAKAIT ebe, Iraas yesi ikakajenak ka ekakejaanakinan lokaseunit: . . . ijenunete ebe eoŋ Ɗopeŋol; Emamei Edeke lokesubi- tai ageikin eoŋ, mam ejaun da lokatupakini. Eoŋ, eoŋ obe, arai EJAKAIT; Emamei eketajaran di- marai eoŋ.

Isaia 45:22

Kosesenai, kitajarunos, isaŋeta kere luka akwap: naarai arai eoŋ Edeke, emamei ece.

2

ITIMONO EDEKE KOSIANA DA

Isabulin 103:8, 11

Ileleba EJAKAIT aisioni, esiana da, iyapi anyunurikin, epol da akeitim. Naarai kwape ejaar akuj kuju noi akwap, epol kwaŋin akei- tim mama ejaas lueyoŋito ŋes.

Isabulin 103:17i, 18ii

Konye aitim naka EJAKAIT ejai ameun apaarasia nuŋo kiton apaar- asia kere mama ejaas ŋul lueyo- ŋito ŋes, . . . mama ejaas luericito aitutuketeke, ka luitunito aicora- kinetake aitadol kes.

Mika 7:18

Iŋai bo Edeke loiputos kajo, loi- sioniei numam adolit, . . . naarai isiyalamikinit aitim.

Akuudian 3:22

Mam enaŋi aitim naka EJA- KAIT, naarai mam iŋorari aisioni- ke.

Akuudian 3:32

Naarai karaida keyauni ican, konye isionie ŋesi kwape ejaar apolou naka aitimike.

Isabulin 18:25i

Mama ejai yeniketimon itodia- nakini aitim; mama ejai yenikado- liton itodianakini adolit.

1 Aisiitonokin 16:34

Kimalata do EJAKAIT: naarai ejok ŋesi: naarai ejaenena akeitim ikar kere.

KIMINA EDEKE IJO

3

Yeremia 31:3

Abu EJAKAIT ketakanikin kolo- sek, ebe, Eebo, kekilakina jo ka- min namam edaun; ŋes keruonia jo kasianut-nakamin.

Yeremia 29:11

Naarai ebala EJAKAIT ebe, Ajeni eoŋ aomisio nuaomit kanu- kus, aomisio nuka ainapakin, kwabo mere nueroko, ainakin yes amunokina nuepote.

Malaki 1:2i

Ebala EJAKAIT ebe, “Kamina yes.”

Isaia 38:17

Koany, kanuka ainapakinika, ŋes kariebar noi: konye kamina-

kon ibu kitajar aijaraka kaipany naka amudiaro: naarai icaka aka- ronisio kere kaukon.

Isabulin 103:13

Kwape itimio papa ikedwe, kwape kwaŋin itimi EJAKAIT lueyoŋito ŋes.

1 Yokana 4:16i, 19

Kijeni, kipou keyuut da, amin naejai Edeke mamawok. Kimina oni, naarai ŋes kigei amin oni.

Sepania 3:17

Ejai EJAKAIT Ekonideke kidiŋi- kon, lokirigi loitajari: iyalamikini ŋesi kanukon kaillel; iyeŋi ŋesi ka- minake, elakari kayoore kanukon.

4 IBORE YEN EPOL NOI KAIJAR NGES AIJENE EDEKE

Daniel 11:32ii
Konye do icasito ituna luejenete Ekecedeke, iswamaete nukatitiŋ.

Yeremia 9:24

Konye yeneolobobot koolobobote kana ebe kamisiikini, ido kaje-ni eoŋ, ebe arai eoŋ EJAKAIT loeswamai nukasianut, nuketube, ka nukadolit da kakwap: naarai eba-la EJAKAIT ebe, "Kesiyalamikini-to akiro ŋun."

Isabulin 119:2

Isirerenŋitai ŋul luericito aiteje-nunetake, luemoete ŋes kekecetau kere.

Ikisila 30:19ii, 20i

Ebe ebwaik akonyenekon aijar ka atwanare, arerenŋ ka ekenit: aso

do koseu aijar, tetere ijari, ijo ka aurikon: Kominenena EJAKAIT Ekonideke, korima ekeporoto, kimorikikinos kaŋes: naarai ŋes aijarakon.

Kosea 6:6

Naarai emiela aitim konye mere asuban; ka aijene Edeke aitelekarit ainakineta nuicweio.

Isabulin 42:1

Kwape iyeŋanakinor amiam kanuka akipi nuka aleles, kwape kwanŋin iyeŋanakinor ekatau kanukon, wu Edeke.

Anyoun 33:14

Kotema ŋes atiar, "Ajaenena eoŋ kajo, eoŋ da kesiyenuni jo."

AIJAR ARAI EMAMEI EDEKE ERAI ATWANARE 5

2 Aisiitonokin 15:2ii

Ejai EJAKAIT kayes, naijaatar yesi kaŋes; arai imootos ŋes, idumunete; konye arai ijalete ŋes, ŋes da kijali.

Yeremia 17:9

Iŋalana etau aitelekarit iboro kere, ido epol akedek noi: iŋai bo epedor ijenun ŋes?

Awaragasia 16:25

Ejai erot loemit etuŋanan bon ebe ejok, konye osanŋeke kes irotin luka atwanare.

2 Petero 2:4, 9

Naarai arai mam abu Edeke kitim imalaikan naadiakariata, ko-

nye kocakak kes ataro, kibwaik da apanya nukamuton, aidaria atubokinio. Ejeni Ejakait ayuun lueyoŋito Edeke kotoma acodunio, ka aidar lumam edolito kiticanete kiton apaaran naka atubokinio.

1 Samuel 12:15i

Konye arai mam ipupenenete eporoto loka EJAKAIT, kipaliikis aicorakinete naka EJAKAIT, ŋes itusurupio akan naka EJAKAIT yes.

Yokana 15:6

Ituŋanan arai mam esali toma-kaŋ, eakario kiŋa kwape katenu, erinyori; etukokinio atenu, eakakinio akim, kidoposi.

6 IBUSAKINIT ONI AMOOTE EDEKE TETERE KIJENUNI NGES

Yes da kimoete eoŋ, kianyunete; arai kito kiimoata kikusitaun kere.

—Yeremia 29:13

Awaragasia 2:4, 5

Arai kimoi ŋes kwape epuesa, kirii ŋes kwape abar naibwaitai; ŋes konyet ijenunia ayonit EJAKAIT, idumuni da aijen Edeke.

Kilipa, kiinakinio; komoata, idumunete; kikuŋukuŋoto, kiŋai-kinio. —Matayo 7:7

Iburanian 11:6

Konye neamea ayuun mam epedor aitelet ŋes. Naarai yenikunyakini Edeke ibusakinit ayuun ebe ejai ŋesi, ido ebe eropi ŋul luemoete ŋes.

Amia ŋul lukaminas eoŋ; ka ŋul da lukadunyakinito amoot kaanyunete. —Awaragasia 8:17

Akuudian 3:25

Ejok EJAKAIT kama ejaas luidarito ŋes, kama ejai aijar naemoot ŋes.

Aswamisio 17:26i, 27

Kojautene ediopet kosub atekerin kere nuka ituna aibio kakwapin kere, . . . tetere emoete Edeke, moto erarapete ka adumun ŋes; karaida mam elwana kaneejai ŋinidiopet kaoni.

Konye eoŋ, ti akoto amoot Edeke, ido ti akoto aitiŋ Edeke akakiro. —Yob 5:8

EKOTO EDEKE ONI ABUNORE NEJAI NGES 7

2 Aisiitonokin 30:9ii

Naarai esiana EJAKAIT Ekusideke, lokaitim da, mam ibelokini akekonyen kamakus arai iboŋunete mamake.

Isabulin 86:5

Naarai ijok ijo, EJAKAIT, itemokino aisioni, epol aitimikon mama kaŋul kere lukiwoneete jo.

Yakob 4:8i

Kikunyakis neejai Edeke, ŋes da ikununi mama ijaas. Yes ikadiakanarak, kilota akaninikus, kitalautu itauon, yes luejaas itauon iarei.

Isaia 1:18

Inera EJAKAIT ebe: "Kopotu da do, kenerutu: Karaida kereŋak

adiakanaretakus be, ekwaŋunete kwape kakile; karaida kireremata kwape kaokot, iliacaunete kwape ka epaaba."

Isabulin 145:18

Eapie EJAKAIT kama ejaas luwoneete ŋes kere, kama kaŋul kere luwoneete ŋes kabeit.

Matayo 11:28, 29

Kopotu neajai, yes kere luitaaritot ka lukilaŋirikinito, eoŋ da kesiyenuni yes. Koriŋonata ajookotoka, kisisiautou kamakaŋ; naarai etasiono eoŋ, eyapepera kotau, yes da idumunete aiyenun kotauonokus.

Ŋin da yenebuni mamakaŋ mam cut ereŋeari. —Yokana 6:37ii

8 ERAI EDEKE LOKALAUNAN

Anyoun 15:11i

Wu EJAKAIT, iŋai eputosi bala jo kotoma odekesinei? . . . loibus kotoma alaunit?

1 Samuel 2:2i

Emamei loelaunit kwape EJAKAIT; naarai emamei ice dimarai ijo.

Yob 34:10ii

Madi Edeke, aswam nueroko; madi Lokapedor kere, aswam numam edolito.

Isaia 57:15i

Naarai eba-la kwanata ŋol loicelele loimukurur loiboikini nemam edaun, Ekekiir Lokalaunan ebe: "Eboie eoŋ kaibois naicelelel nalaunan. . . ."

Isaia 6:3ii

Lokalaunan, Lokalaunan, Lokalaunan, EJAKAIT loka ajoresio: Akwap kere ileleba akeibuses.

Isabulin 145:17

Edolit EJAKAIT korotinique kere, esiana da kaswamisioke kere.

Marako 10:18ii

Emamei yenikajokan dimarai ediopet, ŋes Edeke.

Apukokinio 15:4i

Wu Ejakait, iŋai bo yenimam kiyonit jo, ka aitopoloorit da ekonikiror? Naarai ijo bon lokalaunan, naarai epote atekerin kere, emaeete da kakonyenekon, naarai atakanut aswamisiokon nukadolit.

IBUSAKINIT ITUNGA LUKA EDEKE ARAUT LUKALAUNAK 9

Yakob 2:19, 20

Iyuunit ijo ebe erai Edeke ediopet; iswamai ejok. Iyuunete ajokin da, komaranete. Ijo etuŋanan lotai, ikoto kereka ajenun ebe ayuun komameete aswamisio erai arakan?

Awaragasia 15:9

Erot loka ekaronon erai loketale kaneejai EJAKAIT: konye emina ŋesi loetupari adolit.

1 Yokana 2:4, 3:10

Yenimera ebe, "Ajani ŋes," komam ericit aicorakinete erai ikeŋalan, emamei da abeit kotomakeŋ. Kana ŋes etakanuniata idwe luka Edeke ka idwe luka Satan; ŋin

kere yenimam iswamai nukadolit mam erai yenika Edeke, karaida yenimam emin onaceke.

Iburanian 12:14

Kotupata ainapakin nepepe ki-tuŋa kere, ka alaunite da, neamea ŋin emamei yeneanyuni Ejakait.

1 Petero 1:15

Konye kwape eraar lokinyarit yes lokalaunan, koraut yesi da lukalaunak koponesiookus kere.

Amos 5:14

Komoata ajokis, konye mere aronis, tetere ijarete: tetere ejaenena EJAKAIT, Edeke loka ajoresio kayes, kwape kibalatar.

Mika 6:8ii

Inyo bo kiburai EJAKAIT, mere aswam nuebeito, amin aitim, alosit da kaitasono nepepe ka Ekonideke?

Ilebin 19:2ii

Koraas lukalaunak: naarai eoŋ EJAKAIT Ekusideke arai lokalau-nan.

Luka 10:27ii

Komina Ejakait Ekonideke konitau kere, ka akoniijar kere, ka akonigogoŋ kere, ka akonicoa kere; ka ekoniidunyet da kwape iminari bon.

Marako 10:19

Ijeni aicorakineta ebe, Siriari,

Siridote, Sirikokoi, Sirisabanakine-nei, Sirirodi, Koyonitenei pakon ka totokon.

Iromayon 12:2i

Kwabo sirikiputo nuka ikar kalu, konye kanuka aisiteteunio naka aomisiokus kijulakinos.

Yosua 1:8

Eitabo lo loka ikisila sirenyoununei kaitukukon, konye koomo-moenenei ŋes paaran ka akuare da, tetere iricit aswam kere kwape ejaatar nuiwadikatai toma: naarai kwanin ŋes ererenjor ekonirot, ikerianaror da.

Marako 11:22ii

Kiyuutu Edeke.

Awaragasia 6:16-19

Ejaas akiro akanykape nuelit EJAKAIT; eebo, akanykaarei nueraas nuketa! kamakeŋ; akonye nuepogas, aŋajep nakeŋalan, akanin da nuebokorete aokot numam akirot; etau loepwakuni aomisio nukaronok, akeje nuisunyito akerit mama ejai amengeranut; ekajenan lokaiŋal loesabi, ka ŋol da loeyei ikinyom luka aŋolopa koinacan.

Isaia 61:8i

Naarai eoŋ EJAKAIT amina etube, alait akoko ka numam adolit.

Apukokinio 21:8

Konye ikuriesik, ka lumam iyuunito, ka luesiliaka, ka ikaa-

rak, ka idotea, ka ikacudak, ka luemaete aputosia, ka ikeŋalak kere, ejaun akorakinetekec toma aŋolol naenoki kakim ka acukuman; ŋes atwanare nakiareit.

Malaki 2:15ii, 16i

Aso do kocoito ikusimoyon, kinyek idiopet amodomod aberu naka atumunike. Naarai ebala EJAKAIT Edeke . . . Alait aireŋear, ŋin da yenerapiarit ekegoe kadedeŋ.

Sekaria 8:17

Kinyek idio kayesi aitetemonor aronis kotauke aluikin ikeidunyet; siriminan aiyaposit naka aiŋal: naarai ebala EJAKAIT ebe, ŋun kere eraas nuasacit eoŋ.

12 MAM ITUNGA EDOLOKINITOS NUIPUDA EDEKE

Yokana 5:42

Konye kajeni yes, ebe emamei amin naka Edeke kotomakus.

Yakob 2:10

Naarai yenerici ikisila kere, konye kibuca kediofet, egwauni akiro nuka kere.

Isaia 6:5

Kasodi atemar atiar, "Wu okwe! Abei ai? Naarai atwana, naarai arai eoŋ etuŋanan loka aituk namam elai: eboie da kokidiŋ otuŋa luka aituke numam elae: naarai aanyut akakonye Ekabaka, EJAKAIT loka ajoresio."

Aso yenejeni aswam nuejok, komam iswamai, erai adiakar kama-keŋ. —Yakob 4:17

Iromayon 3:10

Kwape iwadikaterere ebe: Ema-me i kadoliton, karaida idiopet.

Iromayon 3:23

Naarai adiakasi kere, komam edolokinito aibuses naka Edeke.

1 Yokana 3:10ii

Ŋin kere yenimam iswamai nukadolit mam erai yenika Edeke, karaida yenimam emin onaceke.

Isaia 53:6i

Kapaasi oni kere kwape amere-kekin: kibelokin ŋinituŋanan orotoke.

1 Samuel 6:20ii

Ŋnai bo epedori aibwo kakonyen nuka EJAKAIT, Edeke lo loka-launan?

ASWAMISIO WOK MAM EPEDORETE AISIALAMIKIN EDEKE

Iromayon 10:2, 3

Naarai etejenuni kanukec ebe edunyaka kanuka Edeke, konye mere kotoma aijen. Naarai kanu-mam ejeniata adolit naka Edeke, kokotos aitogogoŋ adolitekec kikulepek, mam apotu korimasi adolit naka Edeke.

Isaia 64:6i

Naarai kiraan isio kwape yenimam elai, adolitekosi kere esubit bala anapito naamodok.

Esekiel 33:13

Arai kalimok ikadoliton ebe abeit ejari; arai kemunokin ake-dolit, kiswama numam adolit,

mam iitunio adio kaswamisioke nuadolito; konye etwanikini numam adoliteke nueswamat.

Iromayon 8:8

Kes da luejaas toma akuan mam epedorete aisiyalamikin Edeke.

Iromayon 3:20i

Kanuka ŋun emamei yenejai akuan yenitojoki araut yenedolit kakonyeneke kanuka aswamisio nuka ikisila.

2 Ikorinton 3:5

Mam sio kilosikino aomit bonik araut ibore kanukosi; kwabo ebuni aisilosikiniokosi kama ka Edeke.

14 KITIAKARIT ONI ARONIS KAMA EJAI EDEKE

Iromayon 5:12

Kanuka ŋun kwape kelomunia adiakar akwapin kanuka etuŋanan ediopet, kolom da atwanare kanuka adiakar, kwanin kodolok atwanare otuŋa kere, naarai apotu kere kodiakasi.

Isaia 59:2

Konye apotu numam adolitekus kogitasi yes ka Edekekus, kibwaata akusironisio akekonyen kamakus, tape eŋeri apupun.

2 Aisiitonokin 24:20ii

Inera Edeke kwanata ebe, Kanukinyo itapaariata yesi aicorakineta nuka EJAKAIT, kinyeis akeriakar? Naarai ijalata EJAKAIT, ŋes da kijali yes.

1 Samuel 15:23i

Naarai epali esubit bala adiakaret naka aidwar, ka aninik bala aputosia nuegerer ka iterapim. Naarai iŋer ijo akirot naka EJAKAIT, kiŋer ŋesi da jo araut ekabaka.

Awaragasia 11:19

Ŋol loiketakina kadolit edumuni aijar: ŋol da loetupari aronis earakini bon.

Esekiel 18:20i

Etau loeswamai aronis, ŋes etwani.

Yakob 1:15

Kosodi kepotuu eimieli euriei adiakar, adiakar ŋin da kepoloor idouni atwanare.

ANYUNYURA NAKA EDEKE EJAI KANUKA ARONIS 15

Isabulin 7:11

Edeke ŋes ekatubon lokadoliton; eebo, ŋes Edeke loisiopit ŋini-paaran.

Nakum 1:3i

Iyapi EJAKAIT anyunyurikin, eiliili da akepedor, lomam itojoki luegwaunio akiro.

Ikolosain 3:6

Kanuka ŋun ŋes ebunokinia anyunyura naka Edeke odwe luulaka.

Iromayon 1:18

Naarai epukoritai anyunyura naka Edeke abunore kokuju mama ejai epali kere ka amamus adolit naka ituŋa luitikokinete

abeit kanuka amamus adolitekec.

Iromayon 1:29-32

Ileleba amamus adolit kere, nukaronok, airaŋanut, amengeranut; ileleba ekokote, earit, aŋolopa, aiŋal, aomisio nueroko, ikedeideok, ikasiomak, luelaito Edeke, lukepali, luepogaka, luituros, ikapwakak nueroko, luilakinito ikauriakakec, luemamei acoa, luejalete aitutuket, lumam eminana-ra, luemamei aitim, luejenete aite-pesenit naka Edeke, ebe luiswamaete nuikote nen ibusakinit atwanare, mam bon iswamaete ŋun, konye itojokito da ŋul luki-swamaete ŋun.

16 EBUNIT ATUBOKINIO KOINGAREN

Iburanian 9:27
Ido kwape itemokinitere ituna atwanare irwan atipet, kosodi akaulo kanin atubokinio.

Matayo 12:36
Katemari yes atiar, Ninikirot nakejal naineras ituna itodiarete kapaaran naka etube.

Ekalimonokinan 12:14
Naarai eyauni Edeke niniswam toma atubokinio, nepepe ka ninikirot nakibwaitai, arai naejok arai naerono.

Matayo 13:49, 50
Ikoni nen awasia naka akwap. Epote imalaikan, etiakarete lukaronok kama ka lukadolitok, ecaka-

kinete kes oupa loka akim; ejaun kanina aimony ka ariamanakin ikel.

Apukokinio 20:12, 15
Kaany da lukatwak, lukapolok ka ludidik da, ebwoete koingaren keicolog, kopukoroi itabon. Kopukoroi eceitabo da, loerai loka aijar. Kotubokinai lukatwak kotoma nun kanuwadikatai oitabon kwape kejaatar aswamisiok. Arai kedumun idiotunanan yenimam iwadikatai toma oitabo loka aijar, kocakakinai anolol naka akim.

Iburanian 10:31
Erai akirot naesogim aihirokin akanin nuka Edeke lokajaran.

MAM ONI KIPEDORI ANGOPIKIN EDEKE 17

Awaragasia 15:3
Ejaas akonye nuka EJAKAIT qiniibois, ireereete aronis ka ajokis.

1 Samuel 16:7ii
Naarai mam EJAKAIT eseseni kwape esesenia itunanan; naarai itei itunanan atakan nakokuju, konye itei EJAKAIT etau.

Isabulin 94:9
Nol lokiswamauni akit, nes emam epupi? Lokesubi da akoqu, nes emam eanyuni?

Isabulin 139:1-4
Wu EJAKAIT, ibu konic eoq, kojenu da. Ijeni aiboika ka anyouni-ka da, ijeni akaomisiot eroko

elwana. Iqici ekasokot, ka apero-ka da, ijeni da ikarotin kere. Naarai emamei akirot kanajepeska, konye koany, wu EJAKAIT, ijeni nes cut.

Yeremia 16:17
Naarai esesene akakonye iro- tinikec kere: mam enopito kakonyeneka, ido numam adolitekek mam imunonouns kakonyeka.

Iburanian 4:13
Kwabo emamei isubat yenimam etakani kakonyeneka, konye imujalalas iboro kere, ido ideleete kakonyen nuka nol loejaas akirowok.

18 AINYEIKIN ARONIS NGES IPUDAI

Ezekiel 18:23
Ebala Ejakait EDEKE ebe, "Esiyalamikinit tope atwanare naka ikaronon? Konye gwai kibelokin korotoke, kojara?"

Luka 13:3
Katemari yes atiar, Mam; konye arai mam yes itoronikinos, imudiaros kere kwape kwanin.

Awaragasia 28:13
Loibwai aibucaretake mam ekerianari: konye nol loelimori kosodi aisac edumuni aitimio.

Yoel 2:12, 13i
Konye ebala EJAKAIT ebe, Kibelokinos yesi mama ajai kitaunokus kere, kailun, ka

aimony akiyo, ka aibworo: kocila itaunokus, kwabo mere inapenekus. Kibelokinos mama ejai EJAKAIT Ekusideke: naarai esiana nesi, ileleba aitim, iyapi anyunurikin, ebarara aitim.

Kosea 14:2i
Koyanau akiro, koboqu mama ejai EJAKAIT: kolimok nes ebe, "Kolema numam adolit kere, kocam nuejok."

Yob 33:27, 28
Itei Des itunga arai ejai idioyen ebala adiaka eoq. Adiaka eoq, kebelok nuedolito, . . . Alaku ekatau kinye alomar toma aipany, akajjar da esesenenei aica.

AITIRONIKIN EYANGAUNI AITIMIO 19

Isaia 55:6, 7
Komoata EJAKAIT kapak naepedoror adumun, kiwoneete nes kapak naepiar. Kojal ikaronon ekerot, yenimam adolit da akeomisio: koboqu mama ejai EJAKAIT, itimi nes; mama ejai Edekek, naarai isionie noi.

Isabulin 34:18
Eapie EJAKAIT kaneejaas nul kere luebilil itauon, itajari nul luejaas emoyo loitoronikina.

Yeremia 36:3ii
Kibelokinos ninitunanan ainyein ekerot loerono, kesioni numam adolitekek ka aronisikec.

Isabulin 32:5
Abu kalimok jo akaronis, komam ebwait numam adoliteka: kabala ebe, "Alimori adiakareta-ka mama ejai EJAKAIT." Ibu kisioni numam adolit nuka akaronis.

1 Yokana 1:9
Arai kilimori adiakaretawok, erai nesi lomunot ido loedolit, isionie oni adiakaretata, itesegari da oni kama kamamus adolit kere.

Aswamisio 3:19i
Aso do kitoronikinos, kibelokinos, komwatarai akusidiakanareta.
Aitironikin nges ainyein aronis kalimor mama ejai Edeke.

20 ASUBANIT NAIPUDAI KANUKA AISIMORIKIKIN ONI KA EDEKE

(Aronis abu koyangau agitario, apapulai 14.)

Ilebin 1:4; 17:11
Idokokini akekan akou naka ainakinet naicweio; ecamunio kanu- keq alucio nes. Naarai aijar naka akuan ejai toma aokot; ainak yes kotem alucio aijarakus: naarai aokot kes elucete kanuka aijar.

Iburanian 9:22
Abeit kotoma ikisila aapie iboro kere aitesegario kaokot, ido arai emamei abukor aokot emamei aisionio.

Anyoun 12:5i, 13i
Sirienwalit imerekekikus, ikilio-

kit yenika ekaru ediopet: . . . Koraas aokot aanyunet mama ijaas kotogoi luijaas; kaany eoq da aokot aleleqi yes, kwabo mam ejaun atular amudiar yes.

Ageun 22:8i, 13
Kotema Aburaam atiar, "Kadumakini eoq Edeke imerekek yenikainakinet naicweio, ikakoku." . . . Kitonyou Aburaam akekonnyen, kosesen, ido koany, kojai emerekek kaukeq, ikamunit amoni amumwarake: kolot Aburaam koyana emerekek, koinak araun ainakinet naicweio aibois naka ikekoku.

YESU NGES IMEREKEK YEN AINAK EDEKE 21

Kapaaran naatupakini koany Yesu ebunit mamake, kotema atiar, "Koany Imerekek yenika Edeke, yenelemari adiakar naka akwapin! . . ." —Yokana 1:29

Aponi kimanai, kwabo kitasono komam eoqit akeituk; kwape kimerekek yeneyaario aario, ido kwape ililinja amerekek kakonyen nuka ikekatubok ajul: eebo, mam koon akeituk. —Isaia 53:7

Iburanian 9:12, 28i
Kwabo mere kanuka aokot nuka akinei ka itak lurosok, konye kanuka akeokot elopet, abu koloma irwan atipet bon Aibois Nakalau- nan, nakedaunia adumun alakun naka ikar kere. Kwape kwanin

Kristo da, nakeinakinere irwan atipet aibwok adiakaretata nuka ikepuak.

1 Petero 1:18i, 19
Kojenete ebe mam aponi kola- kun yes kiboro luedaunos, kwape epuesa arai esabu, . . . dimarai kaokot nuketiai loepol nuka Kristo, kwape nuka imerekek yene- mamei anwal, karaida akemer.

Iburanian 9:14
Itelekarito cama aokot nuka Kristo, lokeinakin bon mama ejai Edeke kotoma Omoyo loka ikar kere, araun asubanit naemamei akemer, itesegarete aomisiokus kaswamisio nukatwak tetera ijaanakinete Edeke lokajaran.

22 AITAJARUNIO AINAKINET NAKA EDEKE BON

Iromayon 3:24, 25i
Akesianut naeinakini atitai nges itojokit kes araut luedolito, kanuka alakunio naejai toma Kristo Yesu, loibwaikinit Edeke araut aitupucet kanuka aiyuun akekokot.

Iromayon 5:8, 9
Konye iturit Edeke akemin mamawok, naarai nakirokor kirai ikadiakanarak abu Kristo kotwanik oni. Aso aitekarit noi kiidau kwana aitojokio kotoma akekokot, kitajario da kanukeŋ alemunio kama ejai anyunyura.

Igalatian 2:16i
Konye kijeni ebe mam itunungan itojokio arau yenedolit kanuka aswamisio nuka ikisila, dimarai

kanuka aiyuun Kristo Yesu, isio da kipou keyuut Kristo Yesu.

Naarai asianut nges kitajari yes kanuka aiyuun; kwabo mam kebuni kamakus, nges ainakinet naka Edeke, mam kebuni kanuka aswamisio, kinyek itunungan kere aolobobotor. —Ipeson 2:8, 9

Aswamisio 10:43
Ŋol nges itejenunitos nabnin kere ebe kanuka ekekirot ninitunungan yeniyuuni nges edumuni aisionio naka adiakanaareta.

Aswamisio 4:12
Kwabo emamei aitajar kotoma ece kere: naarai emamei ekekirot kokwap kakuj loinakinitai ituna, loibusakinitor oni aitajario.

ALIMORIO NAKA AURIO KA YESU 23

Luka 1:26-38
Kolap lokikanyetekape aponi kijukunai emalaika Gaburiel kama ejai Edeke alosit Galilaya ore Nasaret, mama ejai abekot nakisinerit ekiliokit ekekirot Yosep, lokekek loka Daudi; ekiror loka abekot nges Mariam. . . Kotema emalaika nges atiar, “Sirikiyon, Mariam, naarai idum asianut kama ejai Edeke. Ido koany, ipotuuni, idouni ikoku yenitelepat, imaikini ekekirot Yesu. Eraun ŋol lokapolon, enyarao Okoku loka Je loejai kujukakuj; . . . akejakanut damam enaŋi.” Kotema Mariam emalaika atiar, “Ikwaikinete bo ai ŋun,

naarai mam ajeni ekiliokit?” Koboŋok emalaika nges ebe, “Kidoikini jo Emoyo Lokalaunan, kirapiari agogoŋ naka Je loejai kujukakuj; kanuka nun yeneuruunio enyarao yenikalaunan, Okoku loka Edeke. . . Naarai emamei akirot naikaruni Edeke.” Kobala Mariam ebe, “Koany, arai eoŋ abulesit naka Ejakait; kojaut mamakaŋ kwape kakonikiro.” Kosodi konyou emalaika kamakeŋ.

Itunga bon luelumunito akwap komam erai kanuka aimorikikin naka ekiliokit kaberu eraas Adam ka Kristo. Koyangau Adam aronis akwap, konye Yesu koyangau aipikor aronis.

24 INGAI CUT YESU?

Ipilipin 2:6, 8
Loejai einono loka Edeke, komam imarakina arianakin ka Edeke arau ibore yenimariauna. Abu kotakan ejaas kasubunet bala naka etunungan, kitasonikin, korima kiton atwanare, atwanare da naka emusalaba.

Yokana 10:30, 36
Kirai eoŋ ka Papa ipe. Ibalasi kereka yesi lokitalauni Papa kijuk akwapin ebe, “Iinyanakini Edeke;” kanu abalar ebe, “Arai eoŋ Okoku loka Edeke?”

Yesu Kristo, Akiror Naebusi ajai sek. Kotoma nuamokin abu Edeke koinak Nges apotuunio kakoik naka Mariam.

Kakwan ejena Nges kwape Okoku loka Etunungan, Komoyo ejena Nges kwape Okoku loka Edeke. Itosomaete nukiwadi-kaere akirot “Okoku” aitiŋenun ejauntene loka Edeke Kakekirot—Yesu Kristo.

Iburanian 10:5
Naarai naalomunia Kristo toma akwapin abala ebe, . . . konye ibu kitemok akuan kanukaŋ.

Iromayon 1:4
Loedakakinitai araut Okoku loka Edeke kapedor kwape ejaar Emoyo loka Alaunit, kanuka ajarun kokatwak.

Yokana 20:28
Ko boŋok Tomas ebe, “Ekajakait, Ekadeke da!”

INGAI CUT YESU? 25

1 Timoteo 3:16i
Ido komamei abuonokin, epol noi aiyeyea naka ayonit Edeke: abu kitodiar kotoma akuan.

Ikolosain 2:9
Naarai kotomakeŋ iboie aitekiro kere naka Eidekeone kakuan.

Isaia 9:6
Naarai kiwurikinitai oni ikoku, kiinakinitai oni ikoku yenisapat: ejaenena rwaru airum okeperike: ekekirot da enyarao Lokaumokin, Ekapetan akiro, Edeke Lokagogoŋ, Papa lomam edaun, Ekapolon loka Ainapakin.

Yokana 1:4, 9-10
Kojai aijar tomakeŋ; korai aijar ŋin aica naka ituna. Kejai aica

nakabeit naecaikini ninitunungan ebunit toma akwap. Kejai nesi toma akwap, kesubio akwap kanukeŋ, ido mam akwap abu koje- nu nges.

Yokana 8:58
Kotema Yesu kes atiar, . . . “Eroko Aburaam ejauna, ajai eoŋ.”

1 Timoteo 2:5, 6i
Naarai ejai Edeke ediopet, ejai da ekadiekan ediopet loka Edeke ka ituna, nges etunungan Kristo Yesu, loabu koluŋakin arau alakunet kanuka kere.

Kija kalakunio kotomakeŋ, nges aisionio naka adiakanaareta. Erai nesi aput naka Edeke lomam etakani. —Ikolosain 1:14, 15i

26 EBAIBULI (NUKIWADIKAERE) NGES AKIROT NAKA EDEKE

Naarai emamei akirot nakedwaritai kakote naka itunungan, konye enerenensi ituna nukepote kama ejai Edeke kodoikinite Emoyo Lokalaunan. —2 Petero 1:21

Luka 1:70, 77
Kwape enerar kolo kageunet kaituke nuka inabinoke lukalau- nak. Kitejen iketuna aitajario kotoma aisionio akecediakanaareta.

2 Samuel 23:2
Kiner emoyo loka EJAKAIT kotomakeŋ, kojaun akirotoko aŋajepka.

Ikisila 6:6
Akiri nu da, nukecorakini lolo, kojaanas otaukon.

2 Timoteo 3:16
Dinikirot naiwadikatai naiyena- kit Edeke ejai ajokis aisisianakina, aikwenyaria, aitetenia, aituutooria da toma adolit.

Naarai nuedwikatai sek, ewadikatai kanuka aisisianakinia oni, tetere kanuka atitiŋikin ka aitalakara naka nukiwadikatai kidumuni amun. —Iromayon 15:4

Matayo 22:29ii
Ipaarete yesi, naarai mam ijene- te nuiwadikatai karaida apedor naka Edeke.

Isabulin 138:2ii
Naarai itopoloo ijo akonikirot adepar ekonikirot kere.

YESU NGES AKIROT NAKA EDEKE 27

Apukokinio 19:13
Konapite anapito naebwasitai aokot; enyaritai ekekirot Akiror naka Edeke.

Yokana 1:1, 14i
Kageunet ajai Akiror, ajai Akiror mama ejai Edeke, korai Akiror Edeke. Korau akiror akuan, kibotororoiki kamawok.

Yesu Itodunit Edeke
2 Ikorinton 4:6
Naarai nges Edeke loabu kobala ebe, “Kocai aica kotoma amuton,” loeakinit itauonowok tetere liiyai aijen naka aibuses naka Edeke kakonyen nuka Kristo.

Yokana 1:18
Emamei itunungan yeneanyunit

Edeke kapakio kere; Okoku loteluna, loejai atorob naka Papa, ŋol nges etejenuni.

Inera Edeke Kanejai Yesu
Iburanian 1:1, 2
Abu kolo Edeke kinera kaluka- papaawok koponesio luipu luege- legela kotoma onabin; konye kapa- arasia kanu nukawasia ener kaoni kotoma Okoku, loabu kodakak arau ekeruman loka kere, kanukeŋ da abu kosub akwapisinei.

Yokana 8:38ii
Nuaanyunit kaneejai Papa kes nuenera eoŋ: yes da iswamaete akiri nukirarito kaneejai papakus.

28 AKIROT NAEJARI KANUKIWADIKAERE ITIRIANITAI

Ebaibuli Erai Inyamat luka Etau
Yob 23:12ii

Abu kenadak akiro nuka anaje-peke otauka.

Matayo 4:4ii

Iwadikatai ebe, Mam ituñanan ejari kanuka atap bon, nabarai kanuka ñinikirot naelomuni kaituk naka Edeke.

Ebaibuli Itacuni Esokoto Wok

Isabulin 119:105

Akonikirot ñes atala naka akejeka, aica da nakosokotoka.

Isabulin 119:130

Naenaarotor akonikiro itacaikinetete; itejenikinetete ijimat.

Yesu Nges Inyamat Luapote Kokuju

Yokana 6:51, 48

Arai eoñ inyamat lukajarak lukijesunos kotoma akuj; arai kenyam ituñanan inyamat lu, ebusi ikar kere; inyamat da luainakini eoñ kanuka aijar naka akwapisinei ñes akakuan. Arai eoñ inyamat luka aijar.

Yesu Nges Aica naka Akwap

Yokana 1:4, 8:12

Kojai aijar tomakeñ; korai aijar ñin aica naka ituña. Kinaera Yesu bobo kakes, kotema atiar, "Arai eoñ aica naka akwapin; yenikatupuni eoñ mam cut elosi kamuton, konye ejaas kaica naka aijar."

Eyangauni Ebaibuli Aijar Naileleba Araitto

Isabulin 1:2, 3

Konye akelakanar ejai toma okisil loka EJAKAIT; okisilike da eomoomaa paaran ka kuare da. Eputoori da ekitoi loiraikinitai ariri naka aleles naka akipi; loeraenei akeraito kedol apak, akekiot da mam erinyori; ikemeri kanuiswamaenei kere.

Ijaikini Yesu Araitto Nuka Aijar

29

Yokana 15:4a, 5

Kosalakis tomakañ, eoñ da tomakus. Arai eoñ emusabibu, iraaes yesi atenuñ. Yenesalit tomakañ, eoñ da tomakeñ, erai ñin araito nuipu, naarai neamamea eoñ mam ipedorete ibore.

INERAS NUKIWADIKAERE NUKA YESU KRISTO

Yokana 5:39, 46

Imoete kotoma nukiwadikatai, naarai iwomito ebe ijaunete kaijar naka ikar kere kotomake; ñun da itejenunito nukun . . . Naarai arai kiyuunito Musa, tikiyuut eoñ da,

naarai abu ñesi kiwadika nukun.

Luka 24:27

Kosodi ageun kama ka Musa ka inabin kere kitejen kotoma kanukiwadikatai kere akiro nuabeito ñes.

30 AKIROT NAKA EDEKE NAEBUSI MAM IJULANAKIN

Isabulin 119:89, 160

Wu EJAKAIT, icasit akonikirot kotoma akuj ikar kere. Etiai loka akirokon ñes abeit; itubesiakon luedolito kere ejaenenas ikar kere.

Isaia 40:8

Erinyorete inya, isokokoi da aturot; konye akirot naka Edeke-wok eperonori ikar kere.

Matayo 5:18ii

Aitodol naedaunotor akuj ka akwap, mam cut edaun inyukuta idiopet, karaida aitaikinet adiofet naka ikisila, aitodol neitodolikinere kere.

Yokana 10:35ii

Ido mam epedorete nukiwadikatai abilio.

Mam Etunganan Epedori Angirikin Aijulakin Ebaibuli

Ñinikirot kere nakecorakini yes, ñipeñin iricete aismamaenen: siri-kiyatakis ace, karaida ainoñoor ace. —Ikisila 12:32

Siriyatanikini akekiro, kinyek ñesi aitoron jo, kosodi jo araun lokeñalan. —Awaragasia 30:6

Apukokinio 22:19i

Bobo da arai elemari ituñanan kotoma akiro nuka eitabo loka adwarasit kana, elemari Edeke akorakineteke kokitoi loka aijar.

Awaragasia 13:13i

Eyauni ñol loemenit akirot amudiario: konye einakinio loeyonit aicorakinete eropit.

ATWANARE KA YESU ABU KITODOLIK AITEMONOKINET NAKA EDEKE

31

Yokana 10:17, 18i

Kanuka na kamina Papa, naarai ejaikini akaijar, tetere alemuni bobo. Emamei ituñanan yenikademari, konye ejaikini eoñ elopet. Ejai eoñ apedor naka aijaikin, ejai da apedor alemun bobo.

Yokana 19:11i

Koboñok Yesu ebe, "Ti mam jo ijaas kapedor kere mamakañ, arai mam kidumunit abunore kokuju."

Matayo 26:53, 54

Arai iwomitos ebe mam apedori ainqaia Papaka, kejukak kwape kwana irioneta luedeparito itomon ka luarei luka imalaikan? Aso edoete biai nukiwadikatai

ebe ibusakinit ñun ajaun?

Aswamasio 3:18

Konye akiro kwa nukelimonokini Edeke ameun apeño kaituk nukainabin kere ebe ibusakinit Kristoke aitancao, etodoliki kwanjin.

Aswamasio 2:23

Yesu ñol, lokijaikini kanuka ainerun ka aijen naka Edeke ameun apeño, ipotu yesi kibubukis, koarata kakanin nuka ituña lukaronok.

Isaia 53:10i

Konye itojokit EJAKAIT amacar ñes; kisiturur; naainakinia akeijar araun asubanit kanuka aronis.

32 ATWANARE KA YESU ELIMORITOS AJENAK

Marako 15:27, 28

Kibubukis ikanatak iarei nepepe kañes; ediopet kakanike nakoteten, ka ediopet da kakanike nakokediany. [Kosodi kitodolikinoi Nukiwadikatai ebe, "Aponi kimarakinai nepepe kalukepali."]

Yokana 19:32-37

Kopotu do iserikalei kobilata akeje nuka losodit, ka nuka lokiareit lokibubukinitoi nenipe kañes; konye kedolokis Yesu koanyut ebe kedau nan atwanare, mam ebila ekejeke. Konye ediopet koserikalei kicun amaranake kakwara, atipet kolomutu aokot ka akipi. . . Naarai kedoikinetete ñun tetere

edoli nakiwadikatai ebe, "Mam ebilio akekoit." Ka . . . "Esesenete moolo ñol lokicumete."

Matayo 27:45, 50-51ii, 54

Ameun kosawa lokikanyetekape kojau amuton akwap kere kiton osawa lokikanyetekaonon. . . . Kodelo Yesu bobo keporoto loepol, kojai ekemoyo. . . . ameun kokuju kiton kwap; komaran akwap; kobwanabwanas amor. Nakeanyuniata ekapolokiton ka ñul da lukejaas kañes idarete Yesu, amaran naka akwap, ka akiro da nukiswamas, kokuriakaras noi, kobalasebe, "Abeit kerai teni ñol Okoku loka Edeke."

ABU YESU KIPIKO ATWANARE

33

Aswamasio 2:24, 32

Konye kitajaru ñes Edeke, kolaca ariebo naka atwanare; naarai mam epedoro aikamunit ñes. Yesu ñol abu Edeke kitajaru, kirai isio kere ikajenakake.

Iburanian 2:14, 15

Aso naarai imorikikinetete idwe aokot ka awat, abu ñesi da elopet komor kakes ejauteneket, tetere kanuka atwanareke emudiari ñol loejai apedor naka atwanare, ñes Satan. Tetere elacakini da ñul kere lukejaas toma obulesene apaarasia kere nuka aijarakec, kanuka akurian atwanare.

1 Ikorinton 15:55, 57

Wu jo atwanare, ai bo ejai akoniipikor? Wu jo atwanare, ai bo ejai ekonitidot? Konye kimalai Edeke lokisipikori oni kanuka Ejakaitiwok Yesu Kristo.

Apukokinio 1:18

Ido Lokajaran; abu katwanite, ido koany ajari ikar ka ikar, ajai kilaceta luka Atwanare ka luka Okatwak.

2 Timoteo 1:10

Konye kwana etakanun asianut ñin kanuka aitodikinio naka Eketajaraniwok Kristo Yesu, loabu kitapalau atwanare, kitacau da aijar ka amamus aibos kanuka Akiro Nukajokak.

34 INYOBO IBUSAKINIT ONI ASWAM KA YESU?

Apukokinio 3:20

Koany, abwoi kokek ekuŋukuŋi; arai epupi ituŋanan kere ekaporo-to, koŋaa da ekek, alomari mama-keŋ, amori nepepe kaŋes, ŋes da keoŋ.

Iromayon 4:5

Kwabo mama ejai yenimam iswamai, konye iyuuni ŋol loitojoki luetumaaka, imarakinio akeiyuun araun adolit.

Yokana 20:22ii; 16:24ii

Kijautu Emoyo Lokalaunan. . . . kilipa, idumunete tetere itodolikin akusiilel.

Iromayon 10:9

Naarai arai ilimori kaitukukon ebe Yesu ŋes Ejakait, iyuuni da

kotaukon ebe abu Edeke kitajar ŋes kokatwak, kitajario.

Matayo 10:37i; 16:24, 25

Ŋin yenemina papake arai totoke adepar eoŋ, mam kebusakinit; . . . Kosodi kolimok Yesu ikekessiak ebe, Arai ekoto ituŋanan kere atupit eoŋ, koŋerokin ilopet korioŋ ekemusalaba, katup eoŋ. Naarai ŋin yenekoto aitajar akeijar etwaniari, ka yenetwaniari akeijar kanukaŋ edumuni.

Igalatian 3:29

Ido arai iraaŋ luka Kristo, aso iraaŋ aur naka Aburaam, ikerumak da kwape ejaara aisumunet.

KOTOMA YESU KIJAA KAIJAR NAKITETET 35

Na ŋes aitejenunet ebe, abu Edeke koinak oni aijar naka ikar kere, ejai da aijar ŋin toma Okokuke. Yenejai Okoku, ejai da aijar; yene-mamei Okoku loka Edeke emamei aijar. —1 Yokana 5:11, 12

Ipeson 2:4, 5

Konye Edeke loebarit aitim, kanuka akemin naepol nakiminaar oni, nakitwakitor kanuka aibuca-retawok, abu kituluo oni ikajarak nepepe ka Kristo, (itajarunitai kanuka asianut.)

Igalatian 2:20i

Aponi kebubukin nepepe ka Kristo; konye ajari, kwabo mere bobo eoŋ, konye ejari Kristo kotomakaŋ; aijar da naajaria kwana

toma akuan, ajari toma aiyuun Okoku loka Edeke lokamina eoŋ.

Iromayon 8:2

Naarai kaosikis eoŋ ikisila luka Emoyo loka aijar loejai toma Kristo Yesu anyoun kokisila luka adiakar ka atwanare.

2 Ikorinton 5:17

Kanuka ŋun, arai ejai ituŋanan kotoma Kristo, arau isubat yenikitet; atuboros nukolo; koany, araut nukitetiak.

1 Petero 1:23

Naarai aponi kourii yes irwan nakiareit, mere kikinjom luebose-te, dimarai kalumam ebosete, kanuka akirot naka Edeke naejari naeperonori.

36 ERAI EDEKE PAPA LOKA IKETUNGA

Isabulin 68:5

Edeke kotoma aiboisike naka-launan, ŋes papa loka ikokiok, ekeraban da loka apuserun.

Isaia 64:8; 63:16ii

Konye do, wu EJAKAIT, irai ijo papakosi; kirai isio elupe, ijo eka-jeanikosi; kirai isio kere aswam naka akanikon. Wu EJAKAIT, irai ijo Papakosi; ekosikalakunan ameun ikar kere ŋes Ekonikiror.

Kosea 1:10ii

Kosodi kanen, kaibois naaponi kotemarere kes ebe, "Mam iraaŋ ikatupa," etemario do kes ebe, "Yes odwe luka Edeke lokajaran."

Matayo 7:11; 6:9

Aso arai yes lukaronok ijenete ainakin ikusidwe ainakineta nue-jok, mam kereka itelekarit noi Papakus loejai toma akuj ainakin ŋul luilipete ŋes iboro luejok? . . . Aso kilipenenete yesi kwanata: Papakosi loejai toma akuj, Ekonikiror kitalaunai.

2 Ikorinton 6:17ii, 18

"Kesukunyuni eoŋ da yes. Eba-la Ejakait Lokapedor kere ebe, araun eoŋ Papa kamakus, yes da iraaŋ ikadwe lusap ka lupesur."

Iromayon 8:14

Naarai kere luŋarenikinit Emoyo loka Edeke, ŋul kes odwe luka Edeke.

KOTOMA YESU KIJENI EDEKE KWAPE PAPA 37

Yokana 14:6, 7, 23ii

Kotema Yesu atiar, "Arai eoŋ erot, ka abeit, ka aijar da; emamei yenebuni mama ejai Papa, dimikito itorit tomakaŋ. Arai kiijenete eoŋ, tikijenutu Papaka da; amear kwana ijenete ŋes, ianyut da." Arai kamina ituŋanan, erici da akakirot, eminuni Papaka, sio da kiponi mamaŋ kitarauni ŋes ekosire.

Igalatian 4:4-7; 3:26

Abu Edeke kijuk Okokuke, lokewuruuni aberu, lokewuruunio koyaito ikisila, tetere elakuni ŋul lukeyaito ikisila, tetere oni kitaraunio odwe. Ido naarai iraaŋ odwe, abu Edeke kijuk Emoyo

loka Okokuke otaunowok, loiwo-roi ebe, "Abba, Papa!" Kanuka ŋun mam bobo irai ebulesit dimarai okoku, ido arai irai okoku, aso irai ekeruman kanuka Edeke. Naarai iraaŋ kere odwe luka Edeke kanuka aiyuun kotoma Kristo Yesu.

Konye ŋul kere lukisukunyunte ŋes, koinak apedor araut idwe luka Edeke, kes ŋul luuyuunio ekekiror. —Yokana 1:12

Arai kediala ituŋanan ejai oni Ekapuron neejai Papa, Yesu Kristo ekadoliton. —1 Yokana 2:1ii

Naarai kanuŋen oni kere iarei kikuynakini Papa kotoma Omoyo ediofet. —Ipeson 2:18

38 EYANGAUNI YESU AMIN, AIYALAMA, AINAPAKIN

1 Yokana 4:8, 16ii

Yenimam emin mam ejeni Edeke, naarai erai Edeke amin. Edeke ŋes amin; ŋin da yenesalit toma amin, esalit toma Edeke, Edeke da esalit tomakaŋ.

Koraas lusiaka bonik ka bonik, luitimonoros, ido kisionionoros, kwape kisionio Edeke da yes kotoma Kristo. —Ipeson 4:32

Yokana 13:35

Kanuka ŋun ejenunete ituŋa kere ebe iraaŋ yesi ikakesisiak, arai iminanaros bonik.

Konye araito nuka Emoyo kes nupenu: amin, aiyalama, ainapakin . . . —Igalatian 5:22i

Konye alakari toma EJAKAIT,

eyalamikin Edeke loka aitajario-ka. —Kabakuk 3:18

Isabulin 16:11

Kitodianakini eoŋ erot loka aijar: neijai ijo ŋes aiyalama naite-koro; akanikon nakoteten ŋes ejaas nuitalakarito ikar kere.

Iromayon 5:1

Aso naarai kitajokitai araun luedolito kanuka aiyuun, kajaut kainapakin mama ejai Edeke kanuka Ejakaitiwok Yesu Kristo.

Yokana 14:27

Kenyeiniata ainapakin; kainak yes akainapakin; mere kwape einakiniata akwapin, kainakinia eoŋ yes. Sirikiyalonogoto ikusi-taun, kinyeis da akurian.

ITAJARUNI YESU LUETUPITO NGES KABEIT 39

Iromayon 8:11

Konye arai ibole Emoyo loka ŋol lokitajaruni Yesu kokatwak kotomakus, ŋol lokitajaruni Kristo Yesu kokatwak einakini da akusiwat nuetwakete aijar kanuka Ekemoyo loiboie kotomakus.

1 Ikorinton 6:14

Konye abu Edeke kitajar Ejakait, kitajari oni da kapedorike.

Yokana 6:40

Naarai nuekot Papaka kes nu ebe, Yeneanyuni Okoku ka aiyuun ŋes kojaut kaijar naka ikar kere; etajaruni eoŋ ŋes kapaaran nakawasia.

Yokana 11:25, 26i

Kotema Yesu ŋes atiar, "Arai

eoŋ ajarun ka aijar da; ŋin yenike-yuuni eoŋ, karaida ketwana, ejari. Ŋin da yenejari yenikeyuuni eoŋ mam etwani ikar kere. . . ."

1 Ikorinton 15:21-23

Naarai kwape ajaunia atwanare kanuka etuŋanan, kwape kwanin ajau da ajarun naka lukatwak kanuka etuŋanan. Naarai kwape etwakiata kere kotoma Adam, kwape kwanin ejarete da kere kotoma Kristo. Konye ŋinituŋanan kwape ebeikinia: Kristo ŋes araito nugeet; kosodete naebunio ŋesi ŋul lueraas luka Kristo.

Yokana 14:19ii

Naarai ajari eoŋ, yes da ijarete.

40 SIRIKINGER AITAJARIO NA NAEPOL

Iburanian 10:28, 29
Yenemwaŋi ikisila luka Musa etwani komam itimio, kanuka ika-jenak iarei arai iuni. Iwomito biai, nanyoin aitanet naitelekari noi naibusakini itunungan yenipudapudai Okoku loka Edeke, komuna da aokot nuka aitutuket, nua-potu kitalaut ŋes, komor da Emo-yo loka asianut?

Yokana 12:48
Yenikaŋeri eoŋ, yenimam eca-muni akakiro, ejai ekatubokinani-ke: akirot naenerit, ŋes etubokini kapaaran nakawasia.

Yokana 8:24
Kanuka ŋun kalimokis yes ebe

itwakete kotoma adianareta-kus; naarai arai mam iyuunito ebe arai eoŋ, itwakete kotoma adianareta-kus.

Luka 12:4, 5
Katemari yes ikapapero atiar, "Sirikikuriakaros luearete akuan, kosodi mam bobo nupepedorete aswam. Konye kekwenyari yes loi-kuriaka: kokuriaka ŋol loejai apedor kedau aiar acakakin Ogeena; eebo, katemari yes atiar, Kokuria-ka ŋol. . ."

Iburanian 2:31
Kikwaikini ai kikui oni arai kija-li aitajario naetia nen?

EBUNI YESU KRISTO ATUBOKIN ONI 41

Aswamasio 17:31
Naarai abu kibwaik apaaran naebunio atubokin akwapin kado-lit, kotunungan loaseunit; ido ito-gogoŋit ŋun mama ejaas ituŋa ke-re, kanuka aitajarun ŋes koka-twak.

Yokana 5:22, 23i
Mam Papa etubokini idiotuŋa-nan kere akiro, konye ainak Oko-ku etube kere, tetera ituŋa kere itopoloorete Okoku, kwape itopo-looritotor Papa.

2 Ikorinton 5:10
Naarai kibusakini kere ataka-nun koŋaren keicolon loka aitub loka Kristo; kodum ŋinituŋanan nukiswamai akuanake, kwape

eswamator, arai nuejok arai nue-roko.

Iromayon 2:16i
Kapaaran naetubokinia Edeke nukaiyeiyea nuka ituŋa kama ka Yesu Kristo.

2 Isesalonikan 1:7ii, 8
Naka Ejakait Yesu naebunio ko-toma akuj nepepe ka imalaikan luka akepedor, kotoma akim naesarani, inyaji kama kaŋul lumam ejenete Edeke, ka ŋul da lumam erimarito Akiro Nukajo-kak nuka Ejakaitiwok Yesu.

Luka 19:27
Bobo da ŋul lukasurupoka, lumam akotos eoŋ ayait kes, ko-yaut ne, koarata kakonyeneka.

42 MAM NGUL KERE LUEBALAS EBE ETUPITOS YESU ERAAS LUKE

Tito 1:16i
Elimorete ebe ejenete Edeke, konye eŋerito ŋes kaswamasiokec; eraas luesacitai, luuluka, luegiri-toi da kaŋiniswam kere naejok.

Arai da emamei ituŋanan Emo-yo loka Kristo, mam ŋin erai yenike. —Iromayon 8:9ii

Matayo 15:8
Ketopoloorito ituŋa lu kaituke-kec, konye elwaka ikecetauon kama ajai.

Esekiel 33:31ii
Iboikinos kakonyenekon kwape ikatuŋa, epupunete akakiro, ko-nye mam iswamaete: naarai itodi-kinete amin naepol kaŋajepakec,

konye ekecetau etupari aimakira-kec.

ŋinituŋanan yenikabala eoŋ ebe, "Ejakait, Ejakait," mere ŋes elomuni ajakanut naka akuj; dimarai yeniswamai nuekoto Pa-paka loejai toma akuj. Katemare-te luipu kapaaran kaŋin atiar, "Ejakait, Ejakait, mam kereka kipou kadwarata kokirorikon, ko-kirorikon da kereŋeasi ajokin, kokirorikon da keswamata aswa-misio nukapedor nuipu?" Kasodi alimor mamakec ebe, "Mam lem kajeni yes nepecep da: konyoutu kama ajai, yes lukeswamak nukepali." —Matayo 7:21-23

LUETUPITO YESU KABEIT ERIMARITO NGES 43

1 Yokana 2:3
Kana da ŋes kijenunia ebe kijeni ŋes, arai kiricit aicorakinetake.

Esekiel 36:27
Ebwaikini ekamoyo tomakus, ketoloto kokisilaka, ido iricete ikatubesia, kiswamata da.

Iburanian 5:9
Kosodi nakeadunia aitodoliki-nio, korau loeinakini ŋul kere lue-rimarete ŋes aitajario naka ikar kere.

Iromayon 6:18
Ido nakiwosikinere anyoun ka-diakar koraut ibulesin luka adolit.

Ipeson 2:10
Naarai kirai oni akeswamasio,

luesubunitai kotoma Kristo Yesu aswam aswamasio nuejok nuk-geunia Edeke aitemonokin tetera kilosenenei kotomakec.

Iromayon 8:10, 13
Konye arai ejai Kristo koto-makus, atwakata awatekus kanu-ka adiakar, konye ejarete ikusimo-yon kanuka adolit. Naarai arai ija-rete atupar akuan, ikotosi atwa-kare, konye arai kitwataniasi aswamasio nuka akuan kanuka Emoyo, ijarete do.

2 Timoteo 2:19ii
Konyou kotoma amamus adolit, ŋin kere yenelimori ekiror loka Ejakait.

44 ENGARA AKWAP LUETUPITO YESU

Yokana 15:18, 19
Arai kilai yes akwap, kojenutu ebe abu kala eoŋ eriŋa elaa yes. Arai kiraas lukakwap, tiemina akwap yenerai yeniken; konye naarai mam iraaas lukakwap, konye abu kaseu yes kotoma akwap, kanuka ŋun ŋes kilaiia yes akwap.

Yokana 16:2ii, 3
Eebo, ebunit esawa loeomitor ŋinituŋanan yenikiari yes ebe ijaa-nakini Edeke. Iswamaete ŋun da naarai mam ejenunito Papa, karaida eoŋ.

1 Yokana 3:1
Koanyut amin naetia nen nakii-nakini Papa oni, tetera kinyaritai

idwe luka Edeke, kirai da. Kanuka ŋun ŋes mam akwapin kijeniata oni, naarai mam apotu kojenut ŋes.

Aswamasio 14:22ii
Ebe da kibusakini alomar toma ajakanut naka Edeke kotoma aiti-canio nuipu.

2 Timoteo 3:12
Ido da ereunio kere luekotos aijar kayonit Edeke kotoma Kristo Yesu.

Yokana 16:33ii
Toma akwapin ejaas yes ican; konye kotitiŋikis, epiko eoŋ akwapin.

AISUMUNETA KALU EREITAI 45

1 Petero 5:7
Kowoikis ŋes aiyaloŋoŋokus kere, naarai epod ŋesi yes.

Isaia 41:10
Sirikikurianar, naarai ajai eoŋ nepepe kajo; sirikibur, naarai arai eoŋ Ekonideke: ketogogoŋi jo; eebo, keŋarakini jo; eebo, kegaŋi jo kakan nakoteten naka adolite-ka.

Isabulin 27:10
Naarai kajalakis papaka ka to-toka, konye ketanuni EJAKAIT.

Iburanian 13:6
ŋes kinerar katitiŋ ebe, "Eja-kait ŋes erai ekeŋarakinanika, mam akurianari, inyobo epedori ituŋanan aiswamakin eoŋ?"

1 Petero 4:14
Arai kiimoromoroi kanuka eki-ror loka Kristo, isireŋittoi, naarai kidoik yes Emoyo loka aibuses, ka loka Edeke da.

Isabulin 91:11; 23:4i
Naarai einakini ikemalaikan aidar jo, korocito jo korotini-kan kere. Eebo, karaida ketor aditot naka etoribe loka atwanare, mam akurianar aronis kere; naarai ijai ijo keoŋ.

Ipilipin 4:13, 19
Apedorit kere kotoma kaŋol ka-loketogogoŋi. Ekadeke da itekori luipudasi kere kwape ejaar akebar kotoma aibuses toma Kristo Yesu.

46

AIPIKOR ARONIS KA SATANA

1 Ikorinton 10:13
Emamei acodunet nakidoikini yes, namam erai naka ituna kere. Konye erai Edeke lomunot, mam ejalakini yes acodunio adepar nui-pedorete, konye nenipe kacodunet itemokini neekuianara, tetere ipe-dorete atitiŋikin.

1 Yokana 1:7

Konye arai kilosenenei kotoma aica, kwape ejaar ŋesi toma aica, kidicenena bonik ka bonik, ido ki-tesegarete oni aokot nuka Yesu Okokuke kama kadiakar kere.

2 Timoteo 2:22

Aso koker eimiel loka atumun, konye kotup adolit, aiyuun, amin, ka ainapakin da, nepepe kaŋul lui-

woneete Ejakait kotoma otauon luelaete.

Iburanian 4:16

Aso kekunyakis katitiŋ mama ejai eicolon loka asianut, tetere ki-timio, kadumutu da asianut naki-ŋarakini oni kapakio nuka eipud.

Iromayon 6:11

Yes da kwape kwanŋin koomito bonik araut lukatwak kama ejai adiakar, konye ikajarak mama ejai Edeke kotoma Kristo Yesu.

Yakob 4:7

Aso kononokikis Edeke. Kitepe-gata Satan, kikeri ŋesi da yes.

Isabulin 119:11

Eŋadak eoŋ akonikiroto otauka, kenye adiakar kamakon.

AILIP CUT NAKABEIT NGES EIDICANE KA EDEKE 47

Naitemaria atiar, “Komoata akakonyen;” kobala ekatau jo ebe, “EJAKAIT, amoenenei akoni-konyen.” —Isabulin 27:8

Isabulin 62:8

Komunosi ŋes apaarasia kere, yes ituna; kobukokisi ikusitauon akonyeneke: Edeke ŋes amecisi-wok.

Yeremia 17:14

Kitaŋaleunoi, wu EJAKAIT, ido aŋaleuni; kitajarai, ido etajaruun; naarai ijo ekaituritono.

1 Isesalonikan 5:17, 18

Kilipenenete tiritir, kimalaene-nete kotoma ŋinikirot kere; naarai ŋin ŋes naekoto Edeke kamakus kotoma Kristo Yesu.

Yakob 1:5

Arai ejai kayes yeniwolikinit acoa, kilip Edeke loeinakini kere kajalit, kwabo mam itoroni, ŋes da einakinio.

Yokana 15:7

Arai isalito tomakaŋ, akakiro da esalito tomakus, kilipata nui-kotosi kere, kiswamakinio.

Isabulin 34:4

Abu kamo EJAKAIT, kaboŋok, kayu eoŋ kotoma akurianuka kere.

Arai aomit numam adolit ko-tauka, mam EJAKAIT epupuni. Kanuka ekonikiror, wu EJAKAIT, kisionioi numam adoliteka naarai ipu. —Isabulin 66:18; 25:11

48

EBUNIT YESU—KOKAPAKINA!

1 Isesalonikan 4:16, 17

Naarai edokuni Ejakait elopet abunore kotoma akuj kaiworo, ke-poroto loka emalaika lokapolon, ka arupepe naka Edeke. Nul da lu-ketwakete kotoma Kristo, kes eli-ŋete ajarun; kosodi konyet oni lu-kijari, lukipaikinit, kiwuruporio nepepe kakes toma odoun, airia-mun ka Ejakait toma apak; kwan-ŋin kijaenena ka Ejakait apaara-sia kere.

2 Ikorinton 7:1

Aso luminan, naarai kija kaisu-muneta ŋun, ketesegaaros kotoma asilianut kere naka akuan ka naka emoyo da, ketodoloto alaunit ko-toma ayonit Edeke.

1 Yokana 2:28

Kwana da, idwe ludidik, kosala-ta tomakaŋ, tetere naetakanunia ŋesi kajaas katitiŋ, kinyeis ileic airum oni kakonyeneke naebunio ŋesi.

Yakob 5:8, 9

Kotitiŋonokinetete yesi da, kitica-ta itauonokus, naarai eapie abuno-re naka Ejakait. Inacan, siriŋu-rianakinos, kinyeis atubokinio; koany, ebwoi ekatubon kokek.

Luka 12:40

Yes da kokapakina; naarai ebu-ni Okoku loka etuŋanan kosawa lomam iwomito.

KILELEBUNOS EMOYO LOKA EDEKE

Kibelonkinos kanuka aito-ronoka: Koany, abukokini emo-yoka mama ijaas, ketejenunete akakiro. —Awaragasia 1:23

Kitoronikinos, kibatisaunos, ŋinituŋanan kayesi, kokiror lo-ka Yesu Kristo, kanuka aisio-nio naka adiakanaaretakus; kii-nakinio ainakinete naka Emoyo Lokalaunan. —Aswamisio 2:38ii

Kwabo sirimeranakino ajon, naarai eyaunete iceleta; konye kilelebununos Emoyo, kinere-nenas kotoma osabulin, ka iko-sosinei, ka nupwakan nuka emoyo, koyeenete, kituruo-

nokinete Ejakait luernos ko-tauonokus, kimalaenenete Ede-ke Papa apaarasia kere, kanu-ka kere, kokiror loka Eja-kaitiwok Yesu Kristo. Konono-kianakinos bonik kotoma ayo-ŋit Kristo. —Ipeson 5:18-21

Naarai Edeke ŋes iswamai kotomakus, ainakin yes akot ka aswam da nuitojokit ŋesi. —Ipilipin 2:13

Mam kereka ijenete ebe iraaŋ yesi eyekalu loka Edeke, ebe da iboie Emoyo koka Ede-ke kotomakus? —1 Ikorinton 3:16

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

W.M. Press, Inc.
P.O. Box 120
New Paris, IN 46553-0120 USA

Lotaai—Mere Logwelara

www.wmpress.org

Ateso HKG